

حقوقی بیکسیر مجموعہ سی

ہر آئی سو کنندہ نشر اول نور

مفوقی ففره لر

حقوقی بیالکیلر مجموعه سی صاحب محترمی غاد فراتقو بک افندی یه :

یکی قانونلرمز دولایسیله موقع انتشاره وضع اولونان اثرلری کمال صبر و متانتله اوقومش برآدام صفتیله سزه خطاب ایدیورم . شو کوچوک جمله معلوماتک وسعت و اهمیتنی نظرلرکزک اوکنده تجسم ایتدیرمکه کافی کلیر . بک آز برزمان ظرفنده ساحه عرفانزه کوچوک برکتبخانه هدیه ایدن بو فعالیت مشکوره آتی ایچون بک امیدبخشدر . آنحاق یکی فکری اکتسابلره آماده بولونمق ایچون علم مدخرمدن بر مقدارینی صرف ایتک مجبوریتدهیم . فقط سزه کوچوک برتکلیفم وار: اسمم سزدن باشقا هیچ سیمسه نک معلومی اولمایاجق . چونکه معلومات حقوقیه نک بو قادار کلیتی مقدارده دماغ واحده اجتماعی بعضیلرنجه خوش کورولیه بیلیر . تکلیفی قبول ایدرسه کز - ایشته هامش نومروسونیده بن یازدم - [۱] شوراچقدن بر نوظله آشاغییه (قبول!) قیدینی علاوه بویورورسکز . بوسورتله بورجار قانونک برنجی ماده سی موجبجه قارشیلقلی و بربرینه اویقون صورتده رضالرمزی علناً بیان ایتش اولورز . حرکتیزک بو صورتله قانونه توافقدن صوکر موضوعه کمال امنیتله تماس ایده بیلیرم : مدرسه ذهنیتی !

بو، حقوقه خاص برتعیمر اولمادینی کیبی یالکیز بز تورکلره مختص بر تعییرده دکلدر . ادبیاتک، فلسفه نک، اقتصادک، حتی حیات خصوصیه نک بیلله مدرسه جیلکی اولور . بو ساحه ده شرق ایله غرب آراسنده بر توازن تام موجوددر . سائر شعبات علومه عائد تلقیلردن بحث ایتیمه جکم، موضوعی دوعرودن دوعرویه « حقوقده کی مدرسه ذهنیتی » نه حصر ایده جکم .

مدرسه جیلکی بز، تورک حقو قیلری، تحت انحصارمزده آلامیز . هر (قال) دیه نن مدرسه جی عد ایدیه بیلیرمی ؟ فکریمجه خاییر! بوزواللی فعل ماضیه اک شدتلی هجومی یاپان جمهوریتیزک قیمتی عدلیه وکیلی محمود اسعد بکی مدرسه ذهنیتی طرفداری عد ایده مزسکز . فقط تنقیدلریسک بی امان اولسنه رغماً مشارالیه ک بر قسم طرفدارلری (قال) نوژن هوبهر (دیهرک ایشک ایچندن چیقیدیلر . کورولورکه مدرسه ذهنیتی نک قولای قولای خط فارقتی بولامیه جفزا! بو حالت روحیه بی تحلیل لازم کلیر .

بو تحلیله موفق اولایلمک ایچون هیکزک یقیندن طایسیدینی بر ذاتی مثال اولارق
آلاجم : (زید افندی)! واقعا بو افندیك - هانکیسی بویوک اولدوغنی بیلم - برده
عمرو نامنده قاردهشی واردر. فقط بویکیسی یان یانه کلدیمی محقق (ضرب) فعلک اشکال
تصریفهسی باشلار. بوسیدن مجموعه کزده بر ساحه ضرب وجدال آچماق ایچون یالکز
بری ایله اکتفا ایدیورم. شیمدی زید افندیك افعالی یقیندن تعقیب ایدهم :

بوزات هر کون بش وقت نمازی قیلار؛ رمضانده اوروج طوتار. بو صورتله
اوامر دینه بی تماماً ایفا ایدهر. بوحاله باقارق کوزلرنده بر شفقت روحانی، دوداقلرنده
بر حله رحانی کورمک ایسترسکز. سز وجائب دینه کزی ایفا ایدهمه مکدن متولد
وجدانی بر عذابه اولک ارشادات رحمانه سته التجا ایندیککز کون بر آزاوول آیات قرآنی
تلفظ ایدهن دوداقلری بوروشور. قاشلری چایلیر و «مرتد» لککزی اعلان ایدهن
بر خطاب قارشیسنده قالیرسکز. حیاتکز چوق ناموسکارانه در. فضائل اخلاقیه و روحیه کزک
مکافات معنویه سی هیچه ایندیرن بو خطاب مواجهه سنده شاشیروب قالیرسکز! فقط
کوجمه یکز. زید افندیك حیاتی صوکنه قادار یقیندن تعقیب ایده جکز: رمضانک
نهایتیه یاقلاشیوروز. صدقه فطر و یریه جک. بو پارینی اک یوکسک رایجدن تسویه ایدهر
وبالحاصله زید افندییه و یربرسه کز وضعیت دینه کزک بر آزاو صلاحه دوغرو کیتدیکنه
قانع اولورسکز. جناب حقل لایزال عفو و غفراندن سزده بر حصه افراز ایدلیر.
اللهک سوکیلی بر قولی اولمغه نامزدسکز، فقط زید افندی بوجیه دینه سی اک آزاو
رایجدن و یرمشدرد. بوندن صوکر زکات و یرمک لازم کله جک. سز بشریتک اجتماعی
فلاکتلرینه قارشى انسانی بر تشکیلات اولان بوجیه دینه ک موضوع لهنه صرفی
ایچون مهاجرینه، ایتم شهدایه، هر هانکی بر خسته خانه یه و یا دارالشفقیه می و یرمک
لازم کله جکندن مترددسکز.

بر فکر آلمق ایچون زید افندی بی زیارت ایدیورسکز. زید افندی حرم دائره سنده
آدم، صادم دیهرک بر عقد یا مقله مشغولدر. (حولان حول) ک وقوعه کله مسنی تأمین
ضمنده ماللرینی قاریسه بلا بدل صابور. هانکی بر معذب آدامک قولاغکزه فیصیلدادینی
حیله شرعیه ک وقوعه شاهد اولدیکز. دین برده سی آلتنده اوینانان بو قومه دیدن
دولای حسکز عصیان ایدیور. خواجه افندیك حرمدن چیقما سی بکله مهن

ساووشدیکز . آ کلا یورم . آرتیق برحس استکراه روحکزی استیلا ایتدی . زیدک خصوصیت حالی تعقیدن صرف نظر ایدیورسکز . بنده اصرار ایتیه جکم . فقط عصیانکار بروضیت آلماسه ایدیکز حین عبادتده ظاهرأ الوهیته متوجه کورونن روحک نه لرله مشغول اولدوغنی سزه تحلیل ایده جکدم .

بو صورتله اجر اخروی بی اذواق دنیویه ایله ایضاح ایدن آیات قرآنیه دن زید افندیك (جنت) ی ناصیل بر عومخانه شککنده تصور ایتدیکنی کوره جکدیکز . فقط ضرر یوق . بو قادارجق مشهوداتکز بیه موضوعمک تنویرینه کافی کلیر .

شیمدی زید افندی بی بر طرفه بر اقام . سز کندی روحکزی تحلیل یدیکز . یچون عصیان ایتدیکز ؟ بر سنه دنبری ید ملکیتکزدده اولان اموالک زکاتی ویرمکه مکلف دکیلیمسکز ؟ سنه ک ختامه بر کون قالارق مالکزی رفیقہ کزه هبه و تسلیم ایدر وبعده ینه اتهاب ایلرسه کز مال موهوره بو دقیقه مالک اولدوغکزدن دولای زکات ویرمزسکز . اُک بسیط بر منطق بونک صحتی اثبات ایدر . او حالده عصیانہ سبب نه ؟ . . . عصیان ایتدیکز ؟ چونکه عملی مسائلده صحت نتیجه ایله تبیین ایدر . نتیجه نک یا کلشنی واسطه نک چوروکلکنه اک بویوک بر دلیدر . مدنی معاملاتک اساسی کتاب ، سنت ، اجماع امت و قیاس فقها دییه درده ارجاع ایدن فقها بزه جلدلر دولوسی اثرلر یازمشلردی . بو یازیلر هپ کتاب ایله سنه یعنی کلام شارعہ استقدا ایدیوردی . فقط بو اثرلری برآز یقیندن تدقیق ایدیکز . اسملرینک ختامنده بر خشوع دیندارانه ایله (رحمة الله) دعا سنی تذیل ایتدیکمز بو ذواتک کافه سی صاحب شریعتی اغفاله قادر کتمه شلردر . بو غرابت یالکز فقعه مخصوص دکلدر . روما حقوقنده عیناً موجوددر . یالکز بو ساحه ده روما حقوقیه بر مقایسه یادیغمز زمان بزله ، آلدیغمز تحصیلک ، کوردیکمز تربیه نک تأثیریه بونک وخامتنی تقدیر ایده میورز وصیمی سوبیلیم : تنقید بزه آغیر کلور . فقط زکات ، قوربان ذبحی کیبی اوامر قطعی دینه دن اولان مکلفیتلردن قور تولقی ایچون احداث اولونان واک زیاده علم نامه شایان تأسف اولان جهتی کتابه توفیق ایدیلن حیل شرعیه لرله واصل اولدوغمز نتیجه - رومالیرک واصل اولدقلری نتیجه قادر - کولونج وابتدائیدر . ایشته حقوقنده کی مدرسه ذهنیتی حقوقی مجرد بر علم ماهیتده کورده ذهنیتدر . ریاضیاتدن معادا علم مجرد بیلیمورم . اوست طرفی هپ عملیدر . ایساغوجی منطقک بوتون نتایج ظاهره سنی حقوقه تطبیق بزى

بو نتیجه به ایصال ابتدی. حقوق عملی اولدوغنی، جمعیت بقاسنی قصد ایندیکنی هیچ
بر زمان نظر لر مزدن اوزاق طو تاملار. عملی هدف لر اوزرنده یورومدکجه یکی حقوق
آ کلاشیلا ماز. حقوق قسم نظریسی هر حالده منطبق دکلدر. بناء علیه یکی حقوقه، فقه
منطقی صواقمق همزه متوجه بر بورجدر.

حقوقه بر هدف واردر. هر موضوع حکم، معین بر هدفی استهداف ایدهر. حقوق
مجرد بر علم عد ایندیکنز کون قدرت منطقیه سزی تماماً هدفدن اوزاقلاشدر بر
وماده قانونیه دن هدفک فطراً مبانی اولان بر حکم استخراج ایدهر سکنز. شیمدی، محترم
مسکدکدشم، زید افندینک برادرندن متبادیاً دایاق یمه سنک سینی آ کلا دیکزمی؟
کورویور سکنز که نحو کتابنک تشریحیاتی هیچده حقسنز دکل ایمس... الله عمرودن
راضی اولسون!